



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorvm

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

Capitulare secundum ejusdem anni.

**urn:nbn:de:hbz:466:1-19366**

& tertia die resurrexit & ascendit in caelos, & quomodo iterum venturus sit in maiestate divina iudicare omnes homines secundum merita propria, & quomodo impij propter scelera sua cum diabolo in ignem aeternum mittentur, & iusti cum Christo & cum sanctis angelis suis in vitam aeternam.

Item diligenter praedicandum est de resurrectione mortuorum, ut sciant & credant in iisdem corporibus praemia meritorum accepturos.

Item cum omni diligentia cunctis praedicandum est pro quibus criminibus deputentur cum diabolo in aeternum supplicium. Legimus enim Apostolo dicente: *Manifesta autem sunt opera carnis, quae sunt fornicatio, immunditia, luxuria, idolorum servitus, veneficia, inimicitiae, contentiones, emulaciones, animositates, ira, rixa, dissensiones, haereses, sectae, invidia, homicidia, ebrietates, comestiones, & his similia: quae praedico vobis sicut praedixi, quoniam qui talia agunt regnum Dei non consequentur.* Ideo haec eadem quae magnus praedicator Ecclesiae Dei singillatim nominavit, cum omni studio prohibeantur, intelligentes quam sit terribile illud quod dixit:

*quoniam qui talia agunt, regnum Dei non consequentur.*

Sed & omni instantia admonete eos de dilectione Dei & proximi, de fide & spe in Deo, de humilitate & patientia, de castitate & continentia, de benignitate & misericordia, de eleemosynis & confessione peccatorum suorum, & ut debitoribus suis secundum orationem dominicam debita sua dimittant. Scientes certissimè quòd qui talia agunt, regnum Dei possidebunt.

Et hoc ideo diligentius injungimus vestrae caritati quia scimus temporibus novissimis pseudodoctores esse venturos, sicut ipse Dominus in evangelio praedixit, & Apostolus Paulus ad Timotheum testatur. Ideo, dilectissimi, toto corde praeparemus nos in scientia veritatis, ut possimus contradicentibus veritati resistere, & divina donante gratia verbum Dei crescat & currat & multiplicetur in profectum sanctae Dei Ecclesiae & salutem animarum vestrarum & laudem & gloriam nominis Domini nostri Iesu Christi. Pax praedicatoribus, gratia obedientibus, gloria Domino nostro Iesu Christo.

Anno dominicae incarnationis DCCLXXXIX. Indictione XII. anno XXI. regni nostri actum est huius legationis edictum in Aquisgrani palatio publico. Data est hac charta die X. Kalendas Apriles.

## CAPITVLARE SECVNDVM ANNI DCCLXXXIX.

I. **D**E monachis gyrovagis & sarrabaitis.  
II. De anachoretis, melius est ut horentur in congregatione permanere quam animus eorum aliubi ambulare tentet.  
III. Ut non parvipendentes sint pastores animarum sibi commissarum, nec maiorem curam habeant de lucris terrenis quam de animabus sibi commissis.  
IV. De obedientia quae Abbati debet exhiberi, & ut absque murmuratione fiat.  
V. De Decanis & Praepositis, ut eorum mutatio secundum regulam fiat.  
VI. De cellarariis monasterij, ut non avari mittantur, sed tales quales regula praecipit.

Tom. I.

VII. Ut ubi corpora sanctorum requiescunt, aliud oratorium habeatur ubi fratres secretè possint orare.

VIII. De eulogiis.

IX. De susceptione hospitem, sicut regula continet.

X. De vestimentis monachorum, ubi superfluum est, abscidatur; & ubi minus, augeatur.

XI. De noviter venientibus ad conversionem, ut secundum regulam probentur, & non antea suscipiantur nisi sicut regula jubet. Et nullus cogatur invitè reprobiter. Et de obedientia & de stabilitate permanendi, sicut regula habet.

XII. De filiis nobilium qui offeruntur,

Q

XIII. De ordinando Abbate.  
XIV. De fratribus in via directis.  
XV. Vt nullus Abbas pro susceptione monachi premium non querat.

XVI. Vt disciplina monachis regularis imponatur, non secularis, id est, non orbentur, nec mancationes alias habeant, nisi ex auctoritate regulae.

## CAPITVLARE TERTIVM ANNI DCCLXXXIX.

**V**T Comites pupillorum & orphanorum causas primùm audiunt. Et in venationem non vadant illo die quando placitum debent custodire, nec ad pastum.

**I**I. De sacramento fidelitatis causa quod nobis & filiis nostris jurare debent, quod his verbis contestari debet. *Sic promitto ego ille partibus Domni mei Karoli Regis & filiorum eius quis fidelis sum & ero diebus vite mee, sine fraude vel malo ingenio.*

**I**II. De monasteriis minutis, ubi nonnanes sine regula sedent, volumus ut in uno loco congregatio fiat regularis, & Episcopi prouideant ubi fieri possit, & ut nulla Abbatissa foras monasterio exire praesumat sine nostra iussione, nec sibi subditas facere permittat, & earum claustra sint bene firmata, & nullatenus ibi vniuersales scribere vel mittere praesumant. & de pallore earum propter sanguinis minuationem.

**I**IV. De tabulis vel codicibus requirendis. Et ut nullus in psalterio vel in euangelio vel in aliis rebus sortire praesumat, nec diuinationes aliquas observare.

**V**. Vt nullus gloriatur per injustam rationem aut conquirere aliquid aut continere.

**V**I. Vt illae disciplinae quae propter legem conservandam sunt constitutae, propter premium non dimittantur.

**V**II. Vt audiant Episcopi baptisterium Presbyterorum, ut secundum morem Romanum baptizent.

**V**III. De calcamentis secundum Romanum usum.

**I**X. Vt in diebus festis vel dominicis omnes ad Ecclesiam veniant: & non inui-

rent Presbyteros ad domos suas ad Missas faciendas.

**X**. Omnino prohibendum est omnibus ebrietatis malum. Et istas conjurationes quas faciunt per sanctum Stephanum, aut per nos, aut per filios nostros, prohibemus. Et praecipimus ut Episcopi vel Abbates non vadant per casam miscendo.

**X**I. De eo quod Missi nostri providere debent ne forte aliquis clamor super Episcopum vel Abbatem vel Abbatissam vel Comitem seu super qualemcumque gradum sit, & nobis renuntiare.

**X**II. De injustis teloneis.

**X**III. De manu leprosi.

**X**IV. Vt monachi, & qui in gradu sacerdotali constituti sunt, ad secularia negotia non transeant. De reliquis tonsuratis detur spatium usque in synodum nostram.

**X**V. Vt Episcopi & Abbates & Abbatissa cupplas canum non habeant, nec falcones, nec accipitres, nec joculariores.

**X**VI. De pauperibus in plateis vel in quadruvis jacentibus, ut ad Ecclesiam veniant, & illorum confessiones donentur.

**X**VII. Vt super altaria teguria fiant vel laquearia.

**X**VIII. Vt clocas non baptizent, nec chartas per perticas appendant propter grandinem.

**X**IX. Vt Missi nostri provideant beneficia quomodo sint condirecta, & nobis renuntiare faciant.

**X**X. De leprosis, ut se non intermiscant alio populo.

**X**XI. Et omnino Missis nostris praecipimus ut bona quae aliis per verbum nostrum docent facere, factis in se ipsis ostendant.

